

## Сақтандырылған адамға арналған автомобиль көлігін сақтандыру (КАСКО) талаптары талаптары

Мен, \_\_\_\_\_ (ТАӘ) «Еуразиялық банк» АҚ алынған Қарыз арқылы сатып алынған көлік құралын сақтандырудың осы талаптарымен (бұдан әрі «Сақтандыру талаптары») танысқанымды, Сақтандыру талаптарының көшірмелерін алғанымды растаймын және оларды сақтауға міндеттенемін, басқа жағдайда осы Сақтандыру талаптары бұзылғаны үшін «Еуразиялық банк» АҚ шығындарын өтеуге міндеттенемін.

**Осы арқылы көлік құралын сақтандыру талаптарының маған түсінікті екенін және көлік құралының мынадай жоғалу/апат болу жағдайлары басталғанда сақтандыру жағдайы деп танылатынын растаймын:**

мынадай жағдайлар нәтижесінде автомобиль көлігінің (қосымша жабдықтың) жоғалуы (апат болуы):

- 1) **жол-көлік оқиғасы (ЖКО):** автомобиль көлігінің жолмен қозғалу процесінде және оның қатысуымен туындаған оқиға, бұл кезде басқа автомобиль көлігімен соқтығысу, қозғалатын немесе қозғалмайтын заттарды (құрылыс, кедергілер, құстар, жануарлар және т.б.) басып кету (соғылу), аударылу, суға батып кету, сондай-ақ оған қандай да бір заттың құлауы;
- 2) **үшінші тұлғалардың заңға қарсы әрекеттері:** автомобиль көлігін айдап алып кету, қарақшылық, тонау, автомобиль көлігін ұрлау, айдап алып кетумен, қарақшылықпен, тонаумен, ұрлаумен немесе айдап алып кету, тонау, қарақшылық, ұрлау әрекеттерімен байланысты толық жойылу;
- 3) **табиғи апаттар<sup>1</sup>:** боран, дауыл, теңіз дауылы, бұршақ, найзағай соғу, жер сілкінісі, таудың опырылуы, көшкін, жанартаудың атқылауы, құйын, торнадо, тайфун, цунами;
- 4) **басқа алдын ала болжанбаған оқиғалар:** өрт, жарылыс, мұз астына түсіп кету, су құбырының жылыту немесе кәріз жүйесінің зақымдануының нәтижесінде толығымен бүлінуі (опат болуы).

Төменде көрсетілген оқиғалар басталған жағдайда сақтандыру төлемін Сақтандырушы жүргізетінін түсінетінімді және келісетінімді растаймын.

**Мынадай фактілер сақтандыру жағдайлары болып табылмайды және Сақтандырушы автомобиль көлігі жоғалған (апат болған) немесе толығымен бүлінген кезде сақтандыру төлемін жүргізбейді:**

- 1) соғыстар, басып кіру; шетел мемлекетінің қастық әрекеттері; соғыс немесе оған ұқсас операциялар (соғыс жарияланғанына немесе жарияланбағанына байланыссыз) немесе азамат соғысы;
- 2) бүлік; ереуіл; локаут; халық көтерілісі ауқымына жеткен немесе үдей түскен азаматтық тәртіпсіздіктер; қарсылық; азаматтық толқулар; әскери бүлік, төңкеріс; өкіметті әскери жаулап алу немесе тартып алу; тәркімелеу; мүлікті меншіктену және ұлт меншігіне алу; лаңкестік акциялар<sup>2</sup>;
- 3) атом отынын жағудан болған радиоактивтік зақымдану немесе радиоактивтік отынмен немесе радиоактивтік қалдықтармен ластану;
- 4) Сақтанушының немесе Сақтандырылған адамның немесе автомобиль көлігін жүргізуге рұқсат берілген басқа тұлғалардың қасақана әрекеттері;
- 5) автомобиль көлігін Сақтандырылған адамдардың ішімдік, уытты затқа немесе есірткіге мас болған күйде немесе автомобиль көлігін жүргізу кезінде мастық пен сақтандыру жағдайының арасында себеп-салдарлық байланыстың бар-жоғына байланыссыз қолдануға болмайтын дәрілік препараттардың әсерімен жүргізуі;
- 6) тиісті санаттағы автомобиль көлігін жүргізу құқығына жүргізуші куәлігі жоқ тұлғаның автомобиль көлігін жүргізуі немесе жүргізуге берілуі;
- 7) автомобиль көлігін осы Шартта Сақтандырылған адам ретінде көрсетілмеген тұлға жүргізгенде;
- 8) автомобиль көлігін сынақтарда, спорттық немесе оқу мақсаттарында мастық пен сақтандыру жағдайының арасында себеп-салдарлық байланыстың бар-жоғына байланыссыз пайдалану;
- 9) автомобиль көлігін заңсыз мақсаттарда немесе осы Шартта көрсетілгеннен басқа мақсаттарда мастық пен сақтандыру жағдайының арасында себеп-салдарлық байланыстың бар-жоғына байланыссыз пайдалану;
- 10) автомобиль көлігін жалға, лизингке немесе уақытша пайдалануға Сақтандырушының жазбаша келісімінсіз, мастық пен сақтандыру жағдайының арасында себеп-салдарлық байланыстың бар-жоғына байланыссыз беру;
- 11) Сақтандырылған адамның мастық пен сақтандыру жағдайының арасында себеп-салдарлық байланыстың бар-жоғына байланыссыз сақтандыру жағдайына әкелген автомобиль көлігін (көлік құралын) пайдалану, оның ішінде техникалық жарамсыз автомобиль көлігін, белгіленген тәртіппен техникалық тексеруден өтпеген автомобиль көлігін пайдалану ережесін бұзуы, сондай-ақ өрт қауіпсіздігі ережесін, өртке қауіпті және жарылысқа қауіпті заттар мен құралдарды тасу және сақтау ережесін, жүктерді тасу кезінде қауіпсіздік (Жол жүру ережесіне сәйкес) талаптарын бұзуы;
- 12) сақтандыру аумағынан немесе сақтандырып қорғау әрекеті кезеңінен тыс сақтандыру жағдайының басталуы;
- 13) осы Шартта сақтандыру жағдайы ретінде көрсетілмеген оқиғалар;
- 14) Сақтандырылған адам автомобиль көлігімен немесе онсыз ЖКО орнынан қашып кеткенде немесе ЖКО орнында құжаттар жасалғаннан кейін алты сағат ішінде ішімдікке, улы затқа немесе есірткіге мас болған күйін анықтау үшін белгіленген мерзімде медициналық куәландырудан (сараптамадан) өтпегенде (мұндай куәландыруды сақтандыру жағдайына жол берген Сақтандырылған тұлға кез келген ЖКО кезінде өтуге тиіс);
- 15) бірте-бірте әрекет ететін себептер, қоса, мұнымен шектелмей: тозу, тот басу, үгілу, көгеру, зең, ылғалды немесе құрғақ шіру, бірте-бірте тозуы, баяу майысып немесе қисайып, жәндіктердің қалдығынан кез келген түрдегі паразиттер/микробтардың және кеміргіштердің қалдықтарынан дамып келе жатқан латенттік ақаулар, зауыттық ақау;
- 16) шатыр немесе люктердің тесілуі (егер шатыр немесе люк болған сақтандыру жағдайының нәтижесінде бүлінбесе) немесе әйнектерін ашық қалдыру;
- 17) жобадағы (дизайнда), ерекшеліктердегі, өндірістегі, материалдардағы қателер мен олқылықтар;
- 18) Сақтандыру жағдайы кезінде немесе тікелей одан кейін автомобиль көлігінің бөлшектерін ұрлау немесе тонау. Автомобиль көлігінің бөлшектерін ұрлау немесе тонау тікелей сақтандыру жағдайы болып табылмайтын жағдайда;

<sup>1</sup> «Табиғи апаттар» - төтенше жағдай туындау салдарынан болған апат.

<sup>2</sup> «Лаңкестік акциялар» - лаңкестік мақсаттарға қол жеткізуге бағытталған әрекеттердің жиынтығы және лаңкестік сипаттағы өзге қылмыстарды жасау.

- 19) автомобиль көлігінің электр және басқа жабдықтың, о.і. электр сымдар жүйесінің тұйықталуы нәтижесінде пайда болған өрт;
- 20) сақтандырылған автомобиль көлігін көліктің кез келген түрімен тасу кезінде оның бүлінуі/опат болуы;
- 21) ашық от көздерін автомобиль көлігінің қозғалтқышын қыздыруға пайдалану;
- 22) кез келген себеппен, автомобиль көлігіндегі жолаушылардың жалпы саны сақтандыру жағдайы сәтінде немесе оның алдында тікелей автомобиль көлігінің осы моделі үшін белгіленген жоғары шекті нормалардан асқанда және/немесе автомобиль көлігіне жүк салу шекті нормадан асқанда;
- 23) сақтандырылған автомобиль көлігін онда қалдырылған тіркеу құжаттарымен (көлік құралын тіркеу туралы куәлік және т.б.) және/немесе оның кілттерімен бірге ұрлаған (айдап кеткен);
- 24) сақтандырылған көлік құралына қосымша жабдықты орнату немесе оның құрылымына өзгерістер енгізу. Мамандандырылған техникалық қызмет көрсету станциясында (ТҚС) қосымша жабдық орнатылған жағдайда, Сақтандырылған адам бұл жақсартуларды Сақтандырушымен келісуге тиіс, тек бұл жағдайда оқиға сақтандыру жағдайы ретінде қарастырылатын болады;
- 25) сақтандырылған көлік құралының сақталуын қамтамасыз ету шараларын қабылдамау;
- 26) Сақтандырушы және тәуелсіз сарапшы/бағалаушы бүлінген көлік құралын тексергенге дейін көлік құралын жөндеуді жүргізу;
- 27) бұзылған жерлерінің сипаты мен шектеулерінің мәлімделген оқиғаға сәйкес келмеуі;
- 28) Сақтандырылған адамның немесе басқа тұлғаның такси ретінде қызметті жүзеге асыруға, көлік құралын жалға беруге рұқсаты немесе қажетті басқа құжаттаманы алғанына қарамастан, сақтандырылған көлік құралын такси ретінде пайдалану. Осы тармақ кез келген жағдайда жалға беру немесе такси ретінде жұмысқа беру мен сақтандыру жағдайы арасындағы себептік байланыстың болуына байланыссыз қолданылады.
- 29) «Еуразиялық банк» АҚ-ның көлік құралын жүргізуге жазбаша келісімін алу (Сақтандырушы бұл тармақтың алаяқтықтың алдын алуға бағытталған деп түсінеді және келіседі). Бұл тармақ жазбаша келісім мен сақтандыру жағдайының белгісі бар оқиға/сақтандыру жағдайы арасында байланыстың бар немесе жоқ екендігіне қарамастан қолданылады.

#### **Сақтандыру жағдайы болып табылмайды:**

- 1) құралдар жинақтамасын, дәрі салғышты, өрт сөндіргішті, апаттық тоқтату белгісін, айдап кетуге қарсы керекті құралдардың ұрлануымен, бүлінуімен, жойылуымен байланысты болған залалдар, егер оларды дайындаушы-зауыт белгілесе немесе қосымша жабдық ретінде сақтандырылмаса;
- 2) дөңгелек шанағы немесе білдігінің бүлінуінен болған залал, егер бұл ретте автомобиль көлігінің осы сақтандыру жағдайынан болған басқа тораптары мен бөлшектерінің бүлінуі жоқ болса;
- 3) тіркеу белгілерін ұрлаудан болған залал;
- 4) автомобиль көлігін пайдалану нәтижесінде бөлшектерінің, тораптарының және агрегаттарының сынуынан, жұмыс істемеуінен, жарамсыз болуынан болған залал, оның ішінде агрегаттардың ішкі жағына бөгде заттар мен нәрселердің түсуі салдарынан;
- 5) автомобиль көлігінің, қосымша жабдықтың, багаждың табиғи тозуына байланысты залал;
- 6) тенттің зақымдануынан немесе ұрлануынан болған шығын - жүк автомобильдерін, жеңіл автомобильдерді, тіркемелерді және жартылай тіркемелерді сақтандыру кезінде;
- 7) жануарлардың қозғалыстары мен қысқа тұйықталудан болған шығындар;
- 8) осы Шартта көрсетілген сақтандыру оқиғасы нәтижесінде алынған сақтандырылған көлік құралының тауарлық құнын жоғалтудан болған шығындар өтелмейді.
- 9) көлік құралының зақымдануынан болған шығындар, оның толығымен бүлінуінен.

#### **Сақтандырушы мыналар үшін сақтандыру төлемін жүргізбейді:**

- 1) жанама және коммерциялық шығындар, оның ішінде тауарларды жеткізу немесе жұмыс өндірісінің (қызмет көрсету) мерзімдерінің келісімшарттар (шарттар) бойынша басқа міндеттемелердің бұзылуынан, алынбай қалған пайдадан; сақтандыру жағдайының салдары болып табылатын басқа шығыстардан туындауға байланысты шығындар (әкімшілік шығыстар және басқа мемлекеттік төлемдер; жалданатын автомобиль көлігін пайдаланғаны үшін төлемдер; жөндеу кезінде қонақүйде тұру үшін төлемдер; іссапар шығыстары; табысты жоғалту; жұмыс істемей тұрып қалудан болған; тұрақ пен күзет үшін төлемдер, толығымен бүлінген автомобиль көлігін тасуға кеткен шығын);
- 2) моральдық зиян;
- 3) сот алымдары;
- 4) автомобиль көлігінің тауарлық құнын жоғалтуы.

#### **Сақтандырып қорғауды қолдану уақытында мыналарды қамтамасыз етуге міндеттенемін:**

- 1) автомобиль көлігі айдап кетуге қарсы дабылмен немесе өтініш-сауалнамаға сәйкес руль доңғалағын қозғалтпайтын құрылғымен жабдықталған;
- 2) көлік құралы сағат сағат 22:00 бастап 06:00 дейінгі кезеңге қалдырылған кезде автомобиль көлігінің күзетілетін тұрақта немесе гаражда болуын қамтамасыз ету.
- 3) автомобиль көлігі қараусыз қалдырылғанда барлық құлыптар жабық және айдап кетуге қарсы дабыл немесе руль доңғалағын қозғалтпайтын құрылғы қосылған болуы тиіс;
- 4) Көлік құралында көлік құралының кілтін, сондай-ақ көлік құралының құжаттарын қалдырмау.
- 5) Сақтандырушыға автомобиль көлігін басқа сақтандыру компанияларымен жасалған барлық жасалған және жасалатын Сақтандыру шарттары туралы жазбаша хабарлау.
- 6) осы Шарттың қолданылу кезеңінде сақтандыру тәуекелінің жай-күйі туралы Сақтандырушыға /«Еуразиялық банк» АҚ-ға дереу хабарлау;
- 7) Сақтандырушыны сақтандыру жағдайының белгілері бар және/немесе салдарынан сақтандыру жағдайы басталуы мүмкін оқиғалардың басталғаны туралы мұндай оқиға басталған күннен бастап 3 жұмыс күнінен кешіктірмей хабарлау және/немесе хабарлауды қамтамасыз ету;

- 8) сақтандыру жағдайынан болатын шығындардың алдын алу немесе азайту бойынша барлық мүмкін болатын және мақсатты шаралардың барлығын қабылдау;
- 9) Сақтандырушыға сақтандыру жағдайының себептері, барысы және салдары, келтірілген залал мөлшері туралы білуге болатын барлық бар ақпаратты беру;
- 10) талап қою құқығының Сақтандырушыға сақтандыру жағдайының басталғаны үшін жауапты тұлғаға суброгация тәртібімен өтуін қамтамасыз ету;
- 11) «Еуразиялық банк» АҚ Сақтанушысының келісімінсіз сотқа талап арыз бермеу, өйткені сақтандыру төлемінің алушысы және меншік иесі «Еуразиялық банк» АҚ болып табылады.

#### **Сақтандыру жағдайы басталғанда міндетіме аламын:**

- орын алып отырған жағдайларда мүмкін болатын шығындарды болдырмау немесе азайту үшін барлық орынды және қолжетімді шараларды, оның ішінде автомобиль көлігін бүлінуден құтқару және сақтау шараларын қабылдау (егер Сақтандырушы нақты шара қабылдау туралы нұсқауды хабарлаған болса, оны сақтауға тиіс);
  - оқиға орнында ЖКО бойынша құжаттар жасалған уақыттан бастап алты сағат ішінде медициналық куәландырудан (сараптамадан) өту (мұндай куәландырудан сақтандыру жағдайына жол берген Сақтандырылған тұлға кез келген ЖКО өтуге тиіс);
  - сақтандыру жағдайының басталу жағдайларына зерттеу жүргізуге уәкілетті тиісті құзыретті органдарға өтініш жасау, атап айтқанда:
    - а) жол полициясы органдарына - кез келген себеп бойынша автомобиль көлігі толық жойылған жағдайда;
    - б) өртке қарсы қызмет органдарына - өрт нәтижесінде, толығымен опат болғанда;
    - в) ІІД тергеу органдарына - автомобиль көлігі ұрланған жағдайда;
    - г) қоршаған ортаның жай-күйін қадағалауды және бақылауды іске асыратын мемлекеттік орган - табиғи апат нәтижесінде автомобиль толығымен бүлінген жағдайда, тиісті аумақта табиғи апаттардың болу фактісін растайтын тиісті құжаттарды алу үшін;
  - оқиғаны уәкілетті мемлекеттік органдардың және басқа құзыретті органдардың құжаттамалық ресімдеуін қамтамасыз ету;
  - оқиғаны, оның ішінде жол-көлік оқиғасы кезінде уәкілетті мемлекеттік органдардың және басқа құзыретті органдардың құжаттамалық ресімдеуіне көмек көрсету:
    - а) кінәлі тұлғаның және куәлердің деректерін, егер оларды анықтау мүмкіндігі болса, жазып алу;
    - б) сақтандыру жағдайларының барлық жағдайларының көрсетілуін бақылау;
    - в) жол полициясы қызметкерлері оқиға және автомобиль көлік құралының жолдың жүретін бөлігінде орналасу сызбасын жасау кезінде қатысу және көмектесу, сызбамен келіспегенде оған қол қою кезінде өз пікірін көрсету;
    - г) жол полициясы органдарына болған жағдайды толық көрсетіп түсініктеме жазу;
    - д) әкімшілік құқық бұзушылық туралы хаттамаға қол қою кезінде жол полициясы органы қызметкерлерінің шешімімен келіспеген жағдайда хаттамада өз пікірін жазу.
  - залал келтіргені үшін жауапты тұлғаға талап қою құқығын қамтамасыз ету үшін барлық қажетті, мүмкін болатын және орынды шараларды қабылдау;
  - қысқа мерзім ішінде, бірақ кез келген жағдайда мереке және демалыс күндерін қоспағанда, оқиға белгілі болған сағаттан бастап 3 (үш) тәуліктен кешіктірмей, оқиғаның басталғаны туралы Сақтандырушыны және оның өкілетті өкілін хабарландыру, оған оқиға жағдайы, келтірілген шығын түрі мен болжамды мөлшері туралы барлық белгілі болған мәліметтерді хабарлау, Сақтандырушымен бұдан әрі қарай жасалатын әрекеттерді келісу, сондай-ақ Сақтандырушы белгілеген нысанда жазбаша өтініш беру;
  - опат болған автомобиль көлігін Сақтандырушы қарағанға дейін сақтандыру оқиғасы басталғанының нәтижесінде болған күйде сақтау. Сақтандырылған адам келтірілген залал көрінісін, егер бұл қауіпсіздік, залал мөлшерін азайту тұрғысынан мәжбүрлеу болса немесе Сақтандырушының келісімі алынғанда, өзгертуге құқығы бар;
  - сақтандыру төлемін іске асыруға қажетті барлық құжаттар мен мәліметтерді Сақтандырушыға беру;
  - Сақтандырушыға сақтандыру жағдайы (оқиғасы) болған орынды, автомобиль көлігін тексеру немесе зерттеу, шығынның себептері мен мөлшеріне қатысты тергеу жүргізу мүмкіндігін беру;
- Сақтандырушы мүддесіне қарсы бағытталған әрекеттерді жасамауға, сондай-ақ қандай да бір міндеттемелерді қабылдамауға; қандай да болсын ұсыныстарды қабылдамауға; Сақтандырушының жазбаша келісімінсіз осы сақтандыру жағдайына қатысы қандай да бір төлемдерді жасамауға және қандай да бір төлем жасауға уәде бермеуге міндетті.
- опат болған автомобиль көлігін қарап шығу мүмкіндігін Сақтандырушыға беру.
  - болуы мүмкін залалдардың алдын алу немесе азайту үшін орын алып отырған жағдайларда орынды және қолжетімді шаралар қабылдауға міндетті.

#### **Сақтандыру төлемдерін алу үшін келесі құжаттарды Сақтандырушыға беруді міндетіне алады.**

*1) жеке басын куәландыру және сақтандыру төлемін алу талаптарын сақтау үшін:*

сақтандыру жағдайының белгілері бар оқиғаның басталғаны туралы өтініш; өтініш берушінің жеке басын куәландыру; сақтандыру компаниясында және сақтандыру төлемін алу құқығына сенімхат (заңды тұлға үшін немесе Пайда алушының мүддесін білдірген жағдайда);

*2) сақтандырылған автомобиль көлігін сақтау мүддесінің дәлелдемесі үшін:*

сақтандырылған автомобиль көлігіне ие болу құқығын растайтын құжаттар (көлік құралын тіркеу туралы куәлік; сақтандыру жағдайы басталған сәтте автомобиль көлігін жүргізетін тұлғаның жүргізуші куәлігінің көшірмесі; сақтандыру жағдайы басталған сәтте автомобиль көлігін жүргізетін тұлғаның жеке куәлігінің көшірмесі; автомобиль көлігі жалдау шартына сәйкес пайдаланылса, жалдау шартының көшірмесі; сақтандырылған көлік құралын жүргізуге үшінші тұлғаға рұқсат беру үшін «Еуразиялық банк» АҚ сұранымының көшірмесі, меншік иесі атынан автомобиль көлігіне ие болу, пайдалану және /немесе жұмсау құқығын растайтын басқа құжат; және т.б.);

*3) сақтандыру жағдайының бар екенін дәлелдеу үшін:*

**а) жол-көлік оқиғасы кезінде:**

жол-көлік оқиғасы туралы хаттама көшірмесі және оның қосымшасы; оқиға орнын қарап шығу көшірмесі, әкімшілік құқық бұзу туралы қаулы, жол-көлік оқиғасына қатысушылардың медициналық куәландыру анықтамасы; сақтандыру жағдайы ретінде қарастырылатын оқиғаларды тергеуді, жіктеуді және есепке алуды іске асыратын жол полициясы органдары және құқық қорғау органдары (тергеу, сот және т.б.) жасаған немесе сақтандыру жағдайының басталу фактісін растайтын басқа құжаттар;

**б) үшінші тұлғалардың заңға қарсы әрекеттері кезінде:**

оқиға орнын қарап шығу хаттамасының көшірмесі және қылмыстық іс қозғау (немесе қылмыстық іс қозғаудан бас тарту туралы) туралы қаулы көшірмесі, іс өндірісін тоқтата тұру туралы қаулы көшірмесі (автомобиль көлігін айдап кету немесе ұрлау кезінде); айыпкер ретінде тарту туралы қаулының көшірмесі (заңға қарсы әрекет жасаған тұлғаны анықтау кезінде); кінәлі тұлғаларға қатысты сот үкімі (немесе қылмыс жасауға кінәлі тұлғалар анықталмаса, істі тоқтату туралы қаулы); сақтандыру жағдайы ретінде қарастырылатын оқиғаларды тергеуді, жіктеуді және есепке алуды іске асыратын жол полициясы органдары және құқық қорғау органдары (тергеу, сот және т.б.) жасаған немесе сақтандыру жағдайы фактісін растайтын басқа құжаттар; ал автомобиль көлігін, қосымша бар болса, ұрланған (айдап кеткен) автомобиль көлігінің түпнұсқа кілттерінің толық жинағын; басқару тетігінің, кілт бауының, карточкалардың, барлық электрондық және электрондық-механикалық алып кетуге қарсы жүйелердің белсенді және белсенді емес активаторларының толық жинақтамасын, сақтандырылған автомобиль көлігі жабдықталған механикалық алып кетуге қарсы құрылғылардың барлық кілттерін ұрлау (айдап кету) кезінде;

**в) табиғи апаттар кезінде:**

актілер, қорытындылар, гидро метеоқызыметтің аумақтық бөлімшелері, мемлекеттік комиссиялар, сақтандыру жағдайы ретінде қарастырылатын оқиғаларды тергеуді, жіктеуді және есепке алуды іске асыратын немесе сақтандыру жағдайының басталу фактісін растайтын құзыретті органдар жасаған басқа құжаттар;

**г) басқа алдын ала болжанбаған оқиғалар:**

өртке қарсы және құқық қорғау органдары актілерінің көшірмелері, өрт-техникалық сараптама қорытындылары, жол-көлік оқиғасы туралы хаттама көшірмесі және оның қосымшасы; оқиға орнын қарап шығу көшірмесі, сақтандыру жағдайы ретінде қарастырылатын оқиғаларды тергеуді, жіктеуді және есепке алуды іске асыратын арнайы уәкілетті органдар (комиссиялар) жасаған немесе сақтандыру жағдайының басталу фактісін басқа құжаттар;

4) келтірілген залал мөлшерінің дәлелдемесі үшін: Сақтандырушы жұмылдырған тәуелсіз сарапшы (бағалаушы) ұйымдардың қорытындысы.

Сақтанушы (Сақтандырылған адам, Пайда алушы) автомобиль көлігін сақтау мүддесін, сақтандыру жағдайының басталғанын және келтірілген залалдар мөлшерін растайтын басқа дәлелдемелерді беруге құқылы.

Сақтандырушының сақтандыру жағдайының белгілері бар оқиғаның басталғаны туралы өтінішті және тиісті құжаттарды алу фактісі уәкілетті қызметкердің немесе Сақтандырушы өкілінің қолхатымен расталады.

Қосымша сұратылған құжаттарды болған оқиға туралы анағұрлым толығырақ ақпаратты алу мақсатында Сақтандырушыға беру.

Сақтандыру шарты мен осы сақтандыру талаптарына сәйкес, сақтандыру төлемін өндіру немесе сақтандыру жағдайын мойындау немесе бас тарту бойынша талап арызды «Еуразиялық банк» АҚ беруі мүмкін. Сақтандырылған тұлғалардың сақтандыру оқиғасы бойынша құжаттарды жинауға және беруге құқығы бар. Сақтандырылған көлік құралын жүргізуге сенімхат және /немесе жолсапар парағы берілген жағдайда, тиісті тұлғаларды осы Сақтандыру талаптарымен таныстыруға және жаңадан сақтандырылған адамдардың осы Сақтандыру талаптарын сақтауын қамтамасыз етуге міндеттенемін.

**Маған Сақтандыру шартында белгіленген шартсыз франшиза туралы талаптың белгілі екенін және мынаған тең екенін растаймын:**

Толық апат болған, ұрланған, айдап алып кеткен, тоналған және талқандалған кезде (көлік құралы иесінің меншігінен шығарылған жағдайда), сақтандыру сомасының \_\_%-ы.

Маған автомобиль көлігі сақтандырылған соманың белгілі екенін растаймын.

«Бордерода көрсетілген көлік құралының меншік иесі және «Еуразиялық банк» АҚ жазбаша келісімімен осы көлікті жүргізетін тұлғалар» Сақтандырылған болып табылатынын растаймын және келісемін.

**Автомобиль көлігіне осы Шарт аясында сақтандыру жағдайы ретінде осы Шартта көрсетілген оқиғалардан зиян келтірілуі сақтандыру жағдайы болып табылмайтындығымен келісемін. Осы Шартта сақтандыру жағдайы ретінде көрсетілген оқиғалардан автомобиль көлігінің толығымен бүлінуі немесе толығымен жоғалуы сақтандыру жағдайы болатынын растаймын.**

**Сақтандырушы мен Сақтанушы арасында қосымша келісімге қол қою арқылы Шартқа өзгерістер енгізілген жағдайда мұндай өзгерістер автоматты түрде маған қолданылатынына және мен осы қосылу туралы өтінішке өзгерістер мен толықтыруларды енгізусіз орындайтыныма келісемін.**

Берілген Сақтандыру шартына қол қоя отырып, Сақтандырушыдан кез келген нысанда (жазбаша, электронды, смс хабарламалар және т.б.) сақтандыру қызметтері бойынша жарнамалық өнімді қоса, кез келген ақпаратты алуға өз келісімімді беремін.

Берілген Сақтандыру шартына қол қоя отырып, сақтандыру жағдайының басталуына жол бермеуде және қауіп-қателерінің адын алуға сақтандыру мүддесіне ие екендігімді растаймын.

\_\_\_\_\_ (ТАӨ) \_\_\_\_\_ (Қолы)

20\_\_ жылғы «\_\_» \_\_\_\_\_